

ԳԱԳԻԿ ՀԱՐՈՒԹՅՈՒՆՅԱՆ

ԱՂԱՆԱՅԻ 1317 Թ. ԺՈՂՈՎԸ ԵՎ ԵԿԵՂԵՑԻՆԵՐԻ
ՄԻԱԿՈՐՄԱՆ ԽՆԴԻՐԸ

1307 թ. Սսի ժողովից հետո Կիլիկյան Հայաստանի հասարակական – քաղաքական կյանքում լարված իրավիճակ էր ստեղծվել, քանզի եկեղեցիների միավորման կողմնակիցները ծեռնամուխ են լինում հայոց եկեղեցական միջավայրի վերակառուցմանը: Ժողովի որոշումների կենսագործումը բարդ խնդիր էր, քանզի հասարակությունը բաղկացած լինելով տարաբնույթ շերտերից տարբեր կերպ էր ընկալում ու կողմնորոշվում: Չպետք է աչքաթող անել նաև այն հանգամանքը, որ հասարակական – քաղաքական կյանքը առանձնանում էր երկակի կառուցվածքով, մասնավորապես խոսքը վերաբերում է աշխարհիկ և հոգևոր միջավայրերին, որոնք ոչ միայն խոչընդոտում, այլ ձևավորում էին հակադիր կողմնորոշումներ. «Ի ԶԾԸ. թվին ժողովեցան ի մայրաքաղաքն Սիս բազմութիւն արեղայից և կրօնաւորաց. և սարկաւազաց՝ որք բնակեալ էին ի վանք և յանապատս ծերք և տղայք, այլ և վարդապետք և եպիսկոպոսք, և բազմութիւնք ժողովորոց՝ արանց և կանանց՝ վասն ոչ առնելոյ յանձն արկանել ջուր ի սուրբ խորհուրդն. և վասն այլ ևս նորածն օրինացն...»¹:

Օշին թագավորը (1308-1320) և Կոստանդին Գ Կեսարացի կաթողիկոսը (1307-1322) շարունակում էին եկեղեցիների միավորման քաղաքականությունը, ուստի 1309 թ. նոր ժողով են հրավիրում, որտեղ քննարկվում են հայոց եկեղեցու դավանաբանության և կազմակերպման հետ աղերսվող խնդիրներ: Եկեղեցիների համընդհանրականության կողմնակիցները իրենց ծրագրի կենսագործման ճանապարհին հանդիպելով լուրջ դիմադրության օգտագործում էին բոլոր միջոցները այն հաղթահարելու համար. «Եւ զաւրաւք ըմբռնեաց զորս և պատահեաց, և գլուխս եսպան, և զայլս ետ կախել ի դրունս քաղաքաց և ի ճանապարհս ի մէջ դաշտաց: Եւ զոմանս ի ծիս ամեհիս, որ անկիրթ էին սանձուց, յագիսս ետ կապել և ընդ դաշտս և ընդ լեռինս ցիր և ցան զսուրբ մարմինսն մաշեցին: Եւ կրաւնաւոր քահանայք ճ. [100] ի նաւ ետ արկանել և ծովասոյգ կամեր առնել, զոր աստուած խափանեաց: Բայց առաքեաց զնոսա յաքսորս՝ ի դառն և յերկաթի հնոցն՝ ի Կիպրոս կղզին, ուր ոչ

¹ Սամուէլի քահանայի Անցելոյ Հաւաքմունք ի գրոց պատմագրաց, Վաղարշապատ, 1893, էջ 156:

ողորմութիւն և ոչ հանգիստ գտին, և ոչ քայլ մի ոտին...»²: Պատահական չէ, որ հակաընդհանրական շարժման առաջատարը վանականությունն էր, քանզի այն Աստուծոյ ծառայող ամենակազմակերպված ուժն էր:

Այժմ փորձենք պարզաբանել ժողովի հետ աղերսվող մի շարք հիմնախնդիրներ:

Նախ աղբյուրներում պահպանվել են տեղեկություններ այն մասին, որ ավանդականության կողմնակիցները ժողով են հրավիրել և մերժել դավանաբանական նորաձևությունները³:

բ) Օշին թագավորը և Կոստանդին կաթողիկոսը հրավիրելով Աղանայի ժողովը աշխատում էին ցույց տալ, որ Կիլիկիան Հայաստանի եկեղեցաքաղաքական շրջանակների մի մասը հաստատական է՝ վերակառուցել հայոց եկեղեցու դավանաբանական և կազմակերպման միջավայրը:

գ) Ժողովի հրավիրման պատճառներից մեկն էլ Սսի ժողովի շուրջ բոլորքված տարաբնույթ վեճերի դադարեցումն էր⁴:

դ) Աղանայի ժողովի հրավիրման պատճառների շարքում պակաս կարևոր դեր չխաղաց պապականության վարած քաղաքականությունը. «Եւ ի քարոզողացս այսոցիկ առաքեցան ոմանք ի գերագոյն պապէն Յոհաննու ԻԲ, որորէ հանդերձ հայրապետական թղթով առ տէր Կոստանդին Կեսարացի կաթողիկոսն և առ Օշին արքայն Հայոց: Վասն որոյ նոյն կաթողիկոսն գումարելով զամենայն եպիսկոպոսունս և զեկեղեցականս, որք էին բռանք իւրով, ի միասին ընդ մմին Օշին արքային Հայոց և իշխանաց թագաւորութեան իւրոյ արար ժողով...»⁵:

Պատահական չէ, որ ժողովը հրավիրվեց Աղանա քաղաքում, քանզի նախորդ շրջանում մայրաքաղաքում տեղի ունեցող իրադարձությունները ստիպել էին թագավորին և կաթողիկոսին փոխելու ժողովի վայրը:

Ժողովի հրավիրման ժամանակի հարցը վեճերի և տարակարծությունների տեղիք է տվել: Պատմագիտական գրականության մէջ ժողովը թվագրված է. 1314 թ.⁶, 1316 թ.⁷, 1317 թ.⁸ և 1320 թ.⁹: Այն, որ ժողովը 1317 թ. հետո չէր

² Է. Բաղդասարյան, Գևորգ Սկևռացու վարքը, «Բանբեր Սատենադարանի», N 7, Երևան, 1964, էջ 431-432:

³ Մաշտոցի անվան մատենադարան, ձեռագիր, N 9748, 138-139:

⁴ Սամ, ձեռագիր, N 2037, էջ 151^ա - 151^բ:

⁵ Կղ. Գալանոս, Միաբանութիւն հայոց սուրբ եկեղեցւոյն ընդ մեծի սուրբ եկեղեցւոյն Հռովմայ, հ. I, Գոռն, 1850, էջ 517:

⁶ Recueil des Historiens des croisades. Documents Armeniens, t. I, Paris, 1869, p. LXX

⁷ Toumeblize F. Histoire politique et religieuse de L'Armenie, Paris, 1900, p. 311.

⁸ Տիրայր վարդապետ (Մննապատական), Համառոտ պատմութիւն հայ-լատինական յարաբերութեան սկիզբէն մինչեւ 1382, Սնթիլիաս - Լիբանան, 1973, էջ 178:

⁹ I. D. Mansi. Sacrorum conciliorum nova et amplissima collectio, vol. 25, Graz-Austria, 1961, p. 655-656.

կարող տեղի ունենալ պարզ է թեկուզ այն հանգամանքից, որ մասնակիցներից մեկը՝ արքաներայր Ալինախը մահացել է 1317 թ. օգոստոսի 24-ին¹⁰։ Աղանայի ժողովի ճիշտ թվականը տրված է N 9748 գրչագրում. «...յամի տեառն *n.j.ժ.է. ին* և *ի* թվականութեան հայոց *չ. Կ. զ. ին...*»¹¹։

Այժմ անդրադառնանք մասնակիցների խնդրին, քանզի ի տարբերությոն Սպի ժողովի, որի արձանագրությունը պահպանել է մասնակիցների և ստորագրողների ցանկերը Աղանայի ժողովի Սահմանադրությունը ներկայացնում է միայն մասնակիցներին, իսկ Կղ. Գալանոսը թվարկում է ստորագրողներից երկուսին. «Կոստանդին կաթողիկոս ամենայն Հայոց՝ կամեցայ և գրեցի։ Յոհաննես արքեպիսկոպոս Տարսոնոյ և այլք»¹²։

Աղանայի ժողովին մասնակցել են. «Կոստանդին կաթողիկոս ամենայն հայոց

Յոհաննես արքեպիսկոպոս Տարսոնի
Կոստանդին արքեպիսկոպոս Սիսոյ
Յոհաննես արքեպիսկոպոս Տարսոնոյ և նախաթոռ Հայոց
Ստեփաննոս եպիսկոպոս Ատանոյ
Յոհաննես եպիսկոպոս Անարզաբոյ
Յոհաննես եպիսկոպոս Մամուեստոյ
Ներսես եպիսկոպոս Սօլւսնի
Ստեփաննոս եպիսկոպոս Բարձրբերդոյ
Յակոբ եպիսկոպոս Կապնոյ
Գրիգոր եպիսկոպոս Մարաշայ
Աւետիք եպիսկոպոս Նփրկերտայ
Կոստանդին եպիսկոպոս Անգուրիայ
Մարկոս եպիսկոպոս Կարուց
Ստեփաննոս եպիսկոպոս Կողոմնոյ
Յակոբ եպիսկոպոս Սալմաստայ
Կոստանդին եպիսկոպոս Մարանդունեցն
Ստեփաննոս եպիսկոպոս դրան կաթողիկոսարանին
Յոհաննես վարդապետն
Կիրակոս վարդապետն Անապատաւոր
Գրիգոր վարդապետն Գերմաղբիւրոյ
Գրիգորես վարդապետն
Մարկոս վարդապետն
Հայրն Թիւրքթին Հայրապետն
Հայրն Խորենին Բարսեղ

Բարեպաշտ թագաւորն Օշին
Եւ արքայներայրն և մեծ թագաւորին Հայոց Ալինախն տերն Տարսոնի և
Լամբրոնի

¹⁰ Ղ.Ալիշան, Սիսուան, Համագրութիւն Հայկական Կիլիկիոյ եւ Լեւոն Մեծագործ, Կենետիկ, 1885, էջ 271։

¹¹ Մամ, ծեռագիր, N 9748, էջ 137։

¹² Կղ. Գալանոս, էջ 506։

Պարոն Սմբատ մարաջախտ տերն Ասկուռոյ
Եւ մեծ սպարապետն պարոն Զեթուն
Պարոն Ռէմունդն սենեսքալն տերն Սիբայելկուին
Պարոն Օշին տերն Կոռիկոսոյ
Պարոն Սմբատ տերն Սմպատայկային
Պարոն Օշին տերն Կոպիտառու

Պարոն Թորոս պոռկսիմոս տերն Զօֆրեկային և այլևս իշխանք և ազատորդիք Դայոց: Էր և աւագերեց թագաւորին Թորոս և այլևս բազմութիւնք քահանայիցն և կրօնաւորաց»¹³:

Այժմ անդրադառնանք դասաշարի հետ կապված մի կնճռոտ հիմնախնդրի լուսաբանման: Հովի. Քոնեցու «Շրջաբերական թղթում» և N 9748 գրչագրում պահպանվել են տեղեկություններ այն մասին, որ ժողովին մասնակցել են նաև Ջաքարիա արքեպիսկոպոս Ծործորեցին և Հովի. վարդապետ Ծործորեցին,¹⁴ որոնցից առաջինի անունը արձանագրության մեջ բացակայում է, իսկ հիշատակվող «Յոհաննէս վարդապետն» հազիվ թե Ծործորեցին լինի, ինչպես ենթադրում է Մ. Չամչյանը¹⁵:

Ինչ հնարավոր եզրակացություններ կարելի է անել այս հակասությունը լուծելու համար.

ա) Կաթոլիկ եկեղեցու հետ միաբանության կողմնակից Հովի. Քոնեցին այս անունները շրջանառության մեջ գիտակցաբար է դրել, որպեսզի ցույց տա Արտազի թեմի ակտիվ մասնակցությունը եկեղեցիների միավորման գործընթացին:

բ) Ջաքարիա և Հովի. Ծործորեցիների անունների հիշատակումը կապված է ոչ միայն Արտազի թեմի բարձր դիրքի հետ, այլև երկու գործիչներն էլ միության կողմնակիցներ էին, ուստի փորձ էր արվում նրանց գործունեության համար օրինականություն ապահովել:

գ) Երկու հեղինակներն էլ չտալով ժողովի մասնակիցների ցանկը, սակայն նշելով կաթողիկոսի և Ծործորեցիների անունները աշխատում էին բարձրացնել ժողովի հեղինակությունը:

Ադանայի ժողովի տեքստերի վերլուծությունը թույլ է տալիս մտածելու Սահմանադրության մի քանի խմբագրությունների մասին, որոնց բնույթը կախված է եղել կիրառման գործառույթից, քանզի խոսքը վերաբերում էր եկեղեցիների համընդհանրականությանը¹⁶:

¹³ Մամ, ձեռագիր, N 2037, էջ 151^թ - 152:

¹⁴ Կղ. Գալանոս, էջ 517-518: Մամ, ձեռագիր, N 9748, էջ 138:

¹⁵ Մ. Չամչյան, Դայոց պատմություն, հ. Գ, Երևան, 1984, էջ 314:

¹⁶ ԺՂ դարի հայերեն ձեռագրերի հիշատակարաններ, կազմեց Լ. Նաչիկյան, Երևան, 1950, էջ 66:

ա) A խմբագրության (ծեռագիր N 9622, էջ 126-130) տեքստը կազմվել է պապականության հետ դիվանագիտական հարաբերություններում օգտագործելու համար, քանզի այստեղ խոսքը գնում է հայ – հոռմեական եկեղեցիների միավորման մասին: Այս խմբագրության է պատկանում նաև N 9748 գրչագրի համապատասխան հատվածը (էջ 138-143):

բ) B խմբագրությունը (ծեռագիր, N 2037, էջ 141^p - 152^p) կազմվել է արքունական դիվանի համար: Եղել են նաև այլ խմբագրություններ, որոնք օգտագործել են հունական և ներեկեղեցական հարաբերություններում:

Այժմ քննարկենք աշխարհիկ և հոգևոր իշխանությունների փոխհարաբերությունների հետ կապված խնդիրները: Այն հանգամանքը, որ ժողովին մասնակցել են նաև աշխարհիկ իշխանության ներկայացուցիչները խոսում է այն մասին, որ Սահմանադրության ընդունումը դիտվել է որպես հասարակական գործ: Հասարակության յուրաքանչյուր անդամ պետք է ընդուներ կանոնների ճշմարտությունը որպես համընդհանուր շահերից բխող պարտավորություն:

Հետոմ Բ թագավորի օժանդակությամբ կաթողիկոս օժված Կոստանդին Կեսարացին, որը գլխավորում էր ժողովի հոգևոր միջավայրը սկսում է ակտիվ համագործակցել Օշին թագավորի հետ,¹⁷ սակայն հայոց կաթողիկոսությունը ուներ որոշակի հետաքրքրություններ, որոնք չէին համընկնում աշխարհիկ իշխանության նպատակների հետ, քանզի.

ա) Կիլիկյան Հայաստանից բացի հայոց եկեղեցու առկայությունը Հայաստանում և գաղթօջախներում իր կնիքն էր դնում կաթողիկոսության քաղաքականության վրա, քանզի նա հանդես էր գալիս «կաթողիկոս ամենայն հայոց» տիտղոսով:

բ) Սովորաբար աշխարհիկ և հոգևոր իշխանություններին միշտ չէ որ հաջողվում էր միասնականացնել եկեղեցաքաղաքական հետաքրքրությունները և շահերը:

Օշին թագավորը հենվելով թագավորական իշխանության կողմից եկեղեցական օրենսդրության բնագավառում յուրացրած իրավունքների վրա աշխատում էր համակարգել աշխարհիկ և հոգևոր իշխանությունների քաղաքականությունը. «Ձոր լուեալ քրիստոսասէր և բարեպաշտ թագաւորն մեր Օշին և առաքեալ ծանուցէ սրբազան կաթողիկոսին տեառն Կոստանդեայ և նոյն ժամայն հրաման ժողովոյ հանեալ ընդ յամենայն տեղիս տերութեան իւրոյ զի ուր իցեն եպիսկոպոսք և վարդապետք և հարք ի մի վայր եկեալ հոգասցեն յաղագս ճշտութեան...»¹⁸:

¹⁷ Նույն տեղում, էջ 63:

¹⁸ Սամ, ծեռագիր, N 2037, էջ 151^p:

Օշին թագավորի և Կոստանդին Կեսարացի կաթողիկոսի վարած քաղաքականությունը նպատակ ուներ հայոց եկեղեցուն կատարել կառուցվածքային փոփոխություններ: Խոսքը, մասնավորապես վերաբերում է Տարոնի թեմին: «Յոհաննես արքեպիսկոպոս Տարունոյ և նախաթոռ Դայոց»: Տարոնի աթոռի նկատմամբ մեծ վերաբերմունքը պատահական չէ: Խնդրո առարկա ժամանակաշրջանում հայոց եկեղեցական կյանքում առավել աչքի էին ընկնում Աղվանքի, Աղթամարի, Արտազի և Սյունիքի աթոռները, որոնցից առաջին երկուսը ներկայանում էին «կաթողիկոս հայոց» և «Արևելեան կաթողիկոս հայոց»: Դավանաբար այս իրողությունը նկատի ուներ Դովհ. երզնկացին (Ծործորեցին), երբ արձանագրել է. «...ընդէ՛ր ազգս հայոց երիս մասունս բաժանեալ է...»¹⁹: Բննարկվող ժամանակաշրջանում վերոհիշյալ երկու աթոռները կանոնական հարաբերություններ չունեին Ասի հայոց կաթողիկոսության հետ: Այս ճանապարհով փորձ էր արվում թուլացնել նաև Սյունյաց և նրա շուրջ համախմբված աթոռների ազդեցությունը:

Խնդրո առարկա ժամանակաշրջանի հայ հասարակական-քաղաքական միտքը հուզող և Աղանայի ժողովում արծարծվող խնդիրների վերաբերյալ ամբողջական պատկերացում կազմելու համար փորձենք պարզաբանել այն հարաբերությունները, որոնք ստեղծվել էին հայոց եկեղեցու ներսում դավանաբանական նորաձևությունների շուրջ: Աղանայի ժողովին նախորդած շրջանում և հետո ակտիվ բանակցություններ էին տեղի ունենում կաթողիկոսի և նշանավոր թեմերի առաջնորդների միջև, որից պարզ է դառնում խնդիրների այն շրջանակը, որը դրված էր փոխհարաբերությունների հիմքում: Այսպես, Սյունյաց աթոռի՝ կաթողիկոսին ուղարկված պատասխան թղթում ասված է. «Որ և եկեալ նուիրակդ ի Չենջ Գրիգոր կարճ և համառօտ բանիւ զպատասխանի մեջ ետ այսպիսի օրինակաւ, թէ. «Դոգևոր Տեառնն հրամանք է, թէ որ ոք յանձն առնու զջրով պատարագելն, և ի դեկտեմբերի *ի* զծննդեան տօնն կատարել, այնոցիկ մեռն տուր և օրինէ՛. և որ ոչ կամիցին ի սուրբ խորիւրդն զջուրն խառնել, և ի դեկտեմբերի *ի* ծննունդն առնել, այնպիսեացն մեռն մի՛ տուր, և մի՛ օրիներ զայնոսիկ...»²⁰:

Վերոբերյալից հետաքրքիր է երկու հարց.

ա) Կաթողիկոսը պահանջում էր իրագործել երկու կանոն այն դեպքում, երբ շրջանառության մեջ էր ավելի շատ կետեր:

¹⁹ Մամ, ձեռագիր, N 3522, էջ 172^բ:

²⁰ Նամակ Յովհաննու Օրպելի եւ այլոց եպիսկոպոսաց եւ վարդապետաց Սիւնեաց ի պատասխանի թղթոյ Կոստանդին Բ կաթողիկոսի Դայոց, «Շռաքաղ», հ. II, 1860, Մոսքուա, էջ 43:

բ) Հայոց կաթողիկոսը աշխատում էր ներկայանալ որպես հայոց եկեղեցու օրենսդրության աղբյուր. «Հոգևոր Տեառնն հրամայեց է», սակայն թեմերի մի մասում նկատվում էր հակադարձ դրսևորումներ²¹: Այժմ ներկայացնենք դավանաբանական այն կանոնները, որոնց ընդունումը Աղանայի ժողովը անհրաժեշտ էր համարում. «Սակս որոյ գրեալ ծեռօքն իւրօվք կանոնս և սահմանս մերոյս եկեղեցւոյ յորում եւ հրամայեաց խառնել ի ջուրի բաժակին որպէս և այլ քրիստոնեայք հառնեն և գտօն Աւետեացն ըստ խորհրդեան ի մարտի *իե* առնել և զծննդեանն դեկտեմբերի *իե* իսկ զմկրտութիւն ի *զ* յունվարի: Եւ զի զաւանդութեամբք տօնքն զոր ունէր եկեղեցիս Հայոց այնպէս կալցի և տօնեսցէ: Եւ զտօնս սրբոցն սահմանեաց ըստ տեառն ընդ առաջին ի փետրվար *բ* կատարել: Եւ զփոխումն Տիրայմօրն յօգոստոս *ժե* առնել և զխաչավերացին տօնն սեպտեմբերի *ժգ* առնել:

Կանոնեաց եւ *գբ* բնութիւն ի միանձնաւորութիւն Քրիստոսի յաղագս անշփոթ միաւորութեանն ասել որպէս և ունի ուղղափառացն եկեղեցի: Եւ զի ի պատարագն գորբորայր լիցի և աստիճանաւորքն կացցեն յեկեղեցի ըստ կարգի և զպահք ճրագայլուցի զատկին, զծննդեանն և զմկրտութեանն ձկամբ միայն բավականաւ և ձիթօվ ըստ սովորութեան մեծի եկեղեցոյն Հռոմայ: Եւ զերեք սրբութեանն սահմանեաց ի մարդեղութիւն Քրիստոսի ասել»²²:

Եթե այս հատվածը համեմատենք Սսի ժողովի ընդունած Սահմանադրության հետ, ապա ակնհայտ է, որ դավանաբանական որոշ կետեր տեղ չեն գտել Աղանայի ժողովի որոշումներում: Սա կարելի է բացատրել, եթե հաշվի առնենք.

ա) Ժամանակը պետք է իր կնիքը դնէր եկեղեցիների միավորման կողմնակիցների գործունեության վրա և ճշգրտումներ մտցներ նրանց ծրագրում: Այստեղ որոշակի դեր խաղաց նաև հայոց եկեղեցուն խնդրվող տրամադրությունները:

բ) Օշին թագավորը և Կոստանդին Կեսարացի կաթողիկոսը ներկայանում էին որպես Սսի ժողովի որոշումների, որն այս դեպքում հանդես էր գալիս որպես նրանց գործունեության ուղենիշ, այլ ոչ թե անհրաժեշտ պայման, կրողներ:

Դավանաբանական խնդիրներից բացի Աղանայի ժողովը քննարկեց նաև հայոց եկեղեցու կազմակերպման հարցը. «...Եւ զայսպիսի բաժանումն մեր որ ի կաթուղիկէ եկեղեցոյ փութացան բժըշկել միացուցանելով դարձեալ զմեզ ի մի կաթուղիկէ եկեղեցի սուրբ և ի մի մարմին Քրիստոսի...»²³:

²¹ Սամ, ծեռագիր, N 3522, էջ 172^ա - 172^բ:

²² Սամ, ծեռագիր, N 2037, էջ 150^բ 151^ա:

²³ Նույն տեղում, էջ 142^ա:

Փաստորեն հետաքրքրությունների ընդհանրությամբ հանդերձ հայոց աշխարհիկ և հոգևոր իշխանությունները փորձում էին լուծել նաև տարաբնույթ խնդիրներ: Աշխարհիկ իշխանությունը աշխատում էր լուծել հետևյալ հիմնախնդիրները.

ա) Ղափամաքանական և կազմակերպման ընդհանրության հիման վրա Կիլիկյան Հայաստանի աշխարհիկ իշխանությունը փորձում էր ամրապնդել իր դիրքերը և հեղինակությունը ինչպես երկրի ներսում, այնպես էլ քրիստոնեական աշխարհում:

բ) Այս ծրագիրը նպատակ ուներ լուծել նաև Արևմտյան Եվրոպայից ռազմաքաղաքական օգնություն ստանալու խնդիրը:

Սսի հայոց կաթողիկոսությունը շահագործված էր.

ա) Եկեղեցիների միավորման ծրագրի իրագործմամբ փորձում էր հայոց եկեղեցին ներառել տիեզերական եկեղեցու համակարգում, ըստ այդմ էլ պետք է հաղթահարվեր նրա ավանդականությունը և ինքնամփոփությունը:

բ) Պետք է հաղթահարվեր Կիլիկյան Հայաստանում եկեղեցական տարբեր համայնքների միջև առկա կանոնական - դավանաբանական լարվածությունը:

գ) Տարաբնույթ քաղաքական միջավայրերում գտնվող հայոց եկեղեցական թեմերը պետք է կապվեին ընդհանրական եկեղեցու հետ, ըստ այդմ էլ հայոց եկեղեցու համար ստեղծվելու էր գործունեության մոր շրջանակներ:

ԺԴ դարի սկզբին Կիլիկյան Հայաստանի հասարակական-քաղաքական շրջանակներում լայնորեն քննարկվում էր եկեղեցիների միավորման խնդիրը: Օշին թագավորը (1308-1320) և Կոստանդին Գ Կեսարացի կաթողիկոսը (1307-1322) 1317 թ. Ադանա քաղաքում ժողով են հրավիրում, որտեղ քննարկվում և հաստատվում են այն կանոնները, որոնք պետք է ընդուներ հայոց եկեղեցին: Այս ճանապարհով փորձ էր արվում հայոց եկեղեցին ներառել տիեզերական եկեղեցու համակարգում: